

Fundargerð 298. fundar sveitarstjórnar Flóahrepps

Fundarstaður: Þingborg
Fundardagur: Þriðjudagur 4. júní 2024
Fundartími: 16:00-17:54
Fundarmenn: Árni Eiríksson, oddviti
Hulda Kristjánsdóttir, sveitarstjóri
Walter Fannar Kristjánsson
Harpa Magnúsdóttir
Anný Ingimarsdóttir

Árni Eiríksson oddviti setti fund, bauð fundargesti velkomna og leitaði athugasemda við fundarboð. Engar athugasemdir gerðar. Samþykkt að bæta tveimur málum við útsenda dagskrá fundar, annars vegar þakkir frá Sigríði Jónu Kristjánsdóttur og erindi vegna skólalóðar og framkvæmda við Flóaskóla. Hulda Kristjánsdóttir ritaði fundargerð.

1. Fundargerð skipulagsnefndar nr. 281, dags. 29.05.2024

a) Merkurhraun 18 (L173893); byggingarheimild; bílageymsla – 2405042

Móttækin er umsókn þ. 07.05.2024 um byggingarheimild fyrir 39,2 m² bílageymslu á sumarbústaðalandinu Merkurhraun 18 L173893 í Flóahreppi.

Skipulagsnefnd UTU mælist til þess við sveitarstjórn Flóahrepps að málið fái málsmeðferð á grundvelli 44. gr. skipulagslaga nr. 123/2010 með fyrirvara um niðurstöðu grenndarkynningar. Berist engar athugasemdir vegna grenndarkynningar skal málinu vísað til afgreiðslu byggingarfulltrúa.

Sveitarstjórn Flóahrepps samþykkir að málið fái málsmeðferð á grundvelli 44. gr. skipulagslaga nr. 123/2010 með fyrirvara um niðurstöðu grenndarkynningar. Berist engar athugasemdir vegna grenndarkynningar skal málinu vísað til afgreiðslu byggingarfulltrúa.

Samþykkt með 5 atkvæðum.

b) Þingdalur land L203005; Þingbakki; Breytt heiti lóðar – 2405060

Lögð er fram umsókn er varðar breytingu á staðfangi Þingdals lands L203005. Óskað er eftir að landeignin fái staðfangið Þingbakki. Landið er úr Þingdal og liggur að gili og er bakki þar fyrir ofan.

Skipulagsnefnd UTU mælist til þess við sveitarstjórn Flóahrepps að ekki verði gerð athugasemd við nýtt staðfang landsins.

Sveitarstjórn Flóahrepps samþykkir að staðfang landsins Þingdalur land L203005 verði Þingbakki. Staðfangið Þingbakki er ekki að finna nú þegar innan sveitarfélagsins.

Samþykkt með 5 atkvæðum.

c) Krókur L166363; Leiðrétting greinargerðar; Deiliskipulagsbreyting – 2405082

Lögð er fram tillaga deiliskipulagsbreytingar er varðar Krók L166363 í Flóahreppi. Í gildi er deiliskipulag fyrir svæðið sem tók gildi með birtingu í B-deild Stjórnartíðinda þann 23.11.2022. Við yfirferð skipulagstillögu eftir gildistöku kom í ljós innsláttarvilla þar sem tilgreint er um byggingarheimildir á lóð 2 innan skipulagsins. Lagt er fram uppfært skipulag þar sem skilmáli er leiðrétur í takt við uppdrátt.

Skipulagsnefnd UTU mælist til þess við sveitarstjórn Flóahrepps að samþykkja viðkomandi breytingu á deiliskipulagi svæðisins. Málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi. Þar sem um leiðréttingu á innsláttarvillu er að ræða er ekki talin þörf á grenndarkynningu. Mælist nefndin til þess að breytingin taki gildi með birtingu auglýsingar í B-deild stjórnartíðinda og verði send Skipulagsstofnun til varðveislu.

Sveitarstjórn Flóahrepps samþykkir viðkomandi breytingu á deiliskipulagsi svæðisins og að málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi. Þar sem um leiðréttingu á innsláttarvillu er að ræða er ekki talin þörf á grenndarkynningu. Breytingin taki gildi með birtingu auglýsingar í B-deild stjórnartíðinda og verði send Skipulagsstofnun til varðveislu.

Samþykkt með 5 atkvæðum.

d) Mósató 2 L225132; Skilmálabreyting; Deiliskipulagsbreyting – 2405081

Lögð er fram beiðni um óverulega breytingu á skilmálum deiliskipulags sem tekur til Mósatóar 2 L225132. Í breytingunni felst að heimildir er varðar aukahús á lóð verða felldar úr skipulaginu. Í stað þess verði aukið við heimildir fyrir byggingu einbýlishús úr 250 í 310 fm.

Skipulagsnefnd UTU mælist til þess við sveitarstjórn Flóahrepps að samþykkja viðkomandi breytingu á deiliskipulagi svæðisins. Málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi. Þar sem engir aðrir hagsmunaaðilar eru innan svæðisins en umsækjandi er ekki talin þörf á grenndarkynningu.

Sveitarstjórn Flóahrepps samþykkir viðkomandi breytingu á deiliskipulagi svæðisins og að málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi. Þar sem engir aðrir hagsmunaaðilar eru innan svæðisins en umsækjandi fer sveitarstjórn ekki fram á grenndarkynningu.

Samþykkt með 5 atkvæðum.

e) Hólshús L165488; Betukot; Stofnun lóðar – 2403066

Lögð er fram umsókn ásamt lóðablaði er varðar stofnun lóðar úr landi Hólshúsa L165488. Óskað er eftir að stofna 23.350 fm lóð og að hún fái staðfangið Betukot. Aðkoma að lóðinni er frá Arnarhólsvégi (315).

Skipulagsnefnd UTU mælist til þess við sveitarstjórn Flóahrepps að ekki verði gerð athugasemds við stofnun landsins. Gögn málsins teljast þó ekki fullnægjandi merkjalýsing á grundvelli reglugerða um merki fasteigna nr. 160/2024 og mælist því nefndin til þess við sveitarstjórn að afgreiðslu málsins verði frestað. Að mati skipulagsnefndar skal liggja rökstuðningur að baki staðfangi lóðarinnar auk þess sem nefndin mælist til þess að fyrir liggja samþykki Vegagerðarinnar vegna nýrrar tengingar við héraðsveg.

Sveitarstjórn Flóahrepps gerir ekki athugasemdir við stofnun 23.350 fm lóðar. Sveitarstjórn frestar afgreiðslu málsins þar sem gögnum málsins er ábótavant varðandi fullnægjandi merkjalýsingu á grundvelli reglugerða um merki fasteigna nr. 160/2024. Sveitarstjórn fer fram á rökstuðning að baki staðfangi lóðarinnar auk þess sem kallað er eftir samþykki Vegagerðarinnar vegna nýrrar tengingar við héraðsveg.

Samþykkt með 5 atkvæðum.

f) Hraungerði L166237; Þinghús; Skilgreining lóðar og byggingarheimilda; Deiliskipulag – 2308032

Fyrir liggur tillaga nýs deiliskipulags sem tekur til landskika úr landi Hraungerðis L166237 eftir auglýsingu og afgreiðslu Skipulagsstofnunar. Deiliskipulagstillagan tekur til nýrrar lóðar sem stofnuð verður úr jörðinni. Nýja lóðin kemur til með að bera heitið Þinghús eftir gamalli þinghúsatóft sem er innan skipulagssvæðisins. Á svæðinu verður heimild til að byggja íbúðarhús, gestahús, bílskúr og/eða skemmu eða önnur útihús. Núverandi metangasstöð sem staðsett er í Hraungerði verður flutt vestur yfir Oddgeirshólaveg og verður starfrækt innan nýrrar lóðar Þinghúsa. Athugasemdir bárust við gildistöku málsins frá Skipulagsstofnun. Athugasemdir ásamt uppfærðum gögnum eru lögð fram við afgreiðslu málsins.

Skipulagsnefnd UTU mælist til þess við sveitarstjórn Flóahrepps að samþykkja framlagt deiliskipulag eftir auglýsingu og afgreiðslu Skipulagsstofnunar. Nefndin telur að brugðist hafi verið við umsögn sem barst vegna málsins með fullnægjandi hætti innan uppfærðra deiliskipulagsgagna þar sem m.a. er skerpt á skilmálum í kafla 3.1. er varðar hámarksbyggingarheimildir auk þess sem skýrar er gert grein fyrir áformum um orkustöð,

stærðir, frágang o.fl. Auk þess hefur afmörkun skipulagssvæðisins verði lagfærð vegna skörunar við skipulagssvæði gildandi deiliskipulags Heiðargerðis. Mælist nefndin til þess að deiliskipulagið taki gildi með birtingu auglýsingar í B-deild Stjórnartíðinda. Gögnin verði send Skipulagsstofnun til varðveislu í samræmi við 42. gr. skipulagslaga nr. 123/2010.

Walter Fannar vék af fundi við afgreiðslu málsins.

Sveitarstjórn Flóahrepps samþykkir framlagt deiliskipulag eftir auglýsingu og afgreiðslu Skipulagsstofnunar og að deiliskipulagið taki gildi með birtingu auglýsingar í B-deild Stjórnartíðinda. Gögnin verði send Skipulagsstofnun til varðveislu í samræmi við 42. gr. skipulagslaga nr. 123/2010. Sveitarstjórn telur að brugðist hafi verið við umsögn sem barst vegna málsins með fullnægjandi hætti innan uppfærðra deiliskipulagsgagna þar sem m.a. er skerpt á skilmálum í kafla 3.1. er varðar hámarksbyggingarheimildir auk þess sem skýrar er gert grein fyrir áformum um orkustöð, stærðir, frágang o.fl. Auk þess hefur afmörkun skipulagssvæðisins verði lagfærð vegna skörunar við skipulagssvæði gildandi deiliskipulags Heiðargerðis.

Walter Fannar vék af fundi við afgreiðslu málsins.

Samþykkt með 4 atkvæðum

g) Tildra L235690; Landbúnaðarland og frístundabyggð; Deiliskipulag – 2311005

Lögð er fram eftir auglýsingu tillaga nýs deiliskipulags sem tekur til frístundasvæðis og landbúnaðarsvæðis í landi Tildru í Flóahreppi. Í skipulaginu felst m.a. skilgreining frístunda- og landbúnaðarlóða auk byggingarheimilda innan þeirra. Við hönnun á byggingum verður lögð áhersla á að láta þær falla inn í umhverfið. Nýtingarhlutfall er að hámarki 0,03 fyrir frístundalóðir. Á landbúnaðarlóðum er heimilt að byggja íbúðarhús auk útihúsa. Hús skulu vera einnar til tveggja hæða og mesta hæð frá botnplötu upp á mæni má vera 7,0 m. Heimilt er að byggja aukahús/gestahús allt að 40 m² að stærð og geymslu allt að 25 m². Þessar byggingar teljast með í heildarbyggingamagni lóðar. Heimilt er að byggja allt að þrjú hús á hverri lóð. Byggingarhlutar sem óhjákvæmilega ná upp fyrir þak svo sem þakgluggar, reykháfar og loftræstibúnaður mega fara upp fyrir hámarkshæð þaks að því marki sem nauðsyn ber til. Öll hús á skipulagssvæðinu skulu falla vel að landi. Byggingarreitir B1 - Heimilt er að byggja frístundahús ásamt gestahúsi/geymslu allt að 150 m². Byggingarreitir B2 - Heimilt er að byggja íbúðarhús ásamt útihúsum og geymslu allt að 350 m². Breytingar hafa verið gerðar á tillögunni eftir auglýsingu sem taka til aðkomu að svæðinu.

Skipulagsnefnd UTU mælist til þess við sveitarstjórn Flóahrepps að samþykkja framlagt deiliskipulag eftir auglýsingu. Nefndin telur að brugðist hafi verið við umsögnum sem bárust vegna málsins með fullnægjandi hætti innan gagnanna. Mælist skipulagsnefnd þó til þess að bætt verði við umfjöllun um lausafjarmuni á lóðum í greinargerð skipulagsins þar sem tiltekið verði að söfnun lausafjarmuna innan lóða s.s. gáma og óskráðra ökutæka sé óheimil. Nefndin mælist til þess að deiliskipulagið taki gildi með birtingu auglýsingar í B-deild Stjórnartíðinda að lokinni yfirferð Skipulagsstofnunar í samræmi við 42. gr. skipulagslaga nr. 123/2010 með fyrirvara um uppfærð gögn.

Sveitarstjórn Flóahrepps fer fram á að greinargerð skipulagsins verði uppfærð m.t.t. umfjöllunar um lausafjarmuni á lóðum þar sem tiltekið verði að söfnun lausafjarmuna innan lóða s.s. gáma og óskráðra ökutæka sé óheimil. Sveitarstjórn samþykkir framlagt deiliskipulag eftir auglýsingu og að deiliskipulagið taki gildi með birtingu auglýsingar í B-deild Stjórnartíðinda að lokinni yfirferð Skipulagsstofnunar í samræmi við 42. gr. skipulagslaga nr. 123/2010 með fyrirvara um uppfærð gögn skv. ofangreindu. Sveitarstjórn telur að brugðist hafi verið við umsögnum sem bárust vegna málsins með fullnægjandi hætti innan gagnanna.

Samþykkt með 5 atkvæðum.

h) Skálmholt land L186111; Breyttir skilmálar; Aðalskipulagsbreyting – 2405029

Lögð er fram tillaga óverulegrar breytingar á aðalskipulagi Flóahrepps er varðar íbúðarsvæði Skálmholti 186111. Í breytingunni felst að felld er út skilgreining er tekur til þess að á hverri lóð sé eingöngu heimilt að byggja íbúðarhús ásamt bílskúr. *Skipulagsnefnd UTU mælist til þess við sveitarstjórn Flóahrepps að samþykkja viðkomandi breytingu á aðalskipulagi sveitarfélagsins. Málið fái málsmeðferð á grundvelli 2. mgr. 36. gr. skipulagslaga nr. 123/2010 er varðar óverulega breytingu á aðalskipulagi. Niðurstaða sveitarfélagsins verði auglýst og málið sent Skipulagsstofnun til samþykktar.*

Sveitarstjórn Flóahrepps samþykkir viðkomandi breytingu á aðalskipulagi sveitarfélagsins og að málið fái málsmeðferð á grundvelli 2. mgr. 36. gr. skipulagslaga nr. 123/2010 er varðar óverulega breytingu á aðalskipulagi. Niðurstaða sveitarfélagsins verði auglýst og málið sent Skipulagsstofnun til samþykktar.

Samþykkt með 5 atkvæðum.

i) Krækishólar lóð L166421; Breyttir skilmálar; Aðalskipulagsbreyting – 2405030

Lögð er fram tillaga óverulegrar breytingar á aðalskipulagi Flóahrepps er varðar íbúðarsvæði Krækishólum L166421. Í breytingunni felst að felld er út skilgreining er tekur til þess að á hverri lóð sé eingöngu heimilt að byggja íbúðarhús ásamt bílskúr. *Skipulagsnefnd UTU mælist til þess við sveitarstjórn Flóahrepps að samþykkja viðkomandi breytingu á aðalskipulagi sveitarfélagsins. Málið fái málsmeðferð á grundvelli 2. mgr. 36. gr. skipulagslaga nr. 123/2010 er varðar óverulega breytingu á aðalskipulagi. Niðurstaða sveitarfélagsins verði auglýst og málið sent Skipulagsstofnun til samþykktar.*

Sveitarstjórn Flóahrepps samþykkir viðkomandi breytingu á aðalskipulagi sveitarfélagsins og að málið fái málsmeðferð á grundvelli 2. mgr. 36. gr. skipulagslaga nr. 123/2010 er varðar óverulega breytingu á aðalskipulagi. Niðurstaða sveitarfélagsins verði auglýst og málið sent Skipulagsstofnun til samþykktar.

Samþykkt með 5 atkvæðum.

j) Mosató 7 L232388; Fyrirspurn – 2405037

Lögð er fram fyrirspurn til skipulagsnefndar er varðar breytta landnotkun lóðar Mosató 7. *Sambærileg fyrirspurn var nýverið afgreidd í sveitarstjórn Flóahrepps þar sem skipulagsfulltrúa var falið að kalla eftir fundi með fyrirspyrjanda þar sem áform um uppbyggingu væru skýrð nánar. Mælist skipulagsnefnd til þess að skipulagsfulltrúa verði falið að funda með eigendum lóða 6, 7 og 8 varðandi framtíðarskipulag viðkomandi lóða.*

Sveitarstjórn bendir á bókun sína frá 297. fundi sveitarstjórnar dags. 07.05.2024 varðandi sambærilega fyrirspurn. Sveitarstjórn felur skipulagsfulltrúa að kalla eftir fundi með fyrirspyrjanda þar sem áform um uppbyggingu eru skýrð nánar.

Samþykkt með 5 atkvæðum.

2. Afgreiðslufundur byggingarfulltrúa nr. 205, dags. 15.05.2024

Lagt fram til kynningar.

3. Erindi frá Ungmennafélaginu Þjótanda – Viðgerð á Einbúavegi

Fyrir liggur erindi frá Ungmennafélaginu Þjótanda þar sem óskað er eftir samstarfi við sveitarfélagið um lagfæringar á veginum að útivistarsvæðinu í Einbúa fyrir 17. júní hátíðarhöld í ár.

Sveitarstjórn Flóahrepps þakkar innsent erindi og samþykkir að veita Ungmennafélaginu Þjótanda styrk til lagfæringar vegar að útivistarsvæðinu í Einbúa. Sveitarstjórn samþykkir að greiða fyrir efni og flutning á efni, 50 m³. Ungmennafélagið sér um að jafna út efninu og hefla veginn.

Samþykkt með 4 atkvæðum.

Harpa Magnúsdóttir vék af fundi við afgreiðslu málsins.

4. Svæðisbundið Farsældarráð á Suðurlandi

Fyrir liggur erindi frá Bjarna Guðmundssyni dagsett 16.05.2024, f.h. SASS þar sem leitað er umboðs sveitarfélagsins til þess að gera viðaukasamning undir merkjum Sóknaráætlunar við

Mennta- og barnamálaráðuneytið til tveggja ára vegna fjármögnunar innleiðingar svæðisbundinna farsældarráða. Í samningi felst heimild til þess að ráða í ½ - 1 stöðu verkefnisstjóra eftir umfangi verkefna. Gert er ráð fyrir einu farsældarráði í hverjum landshluta. Fjármunir fylgja samningnum og felur hann því ekki í sér fjárhagslegar skuldbindingar fyrir aðildarsveitarfélög SASS.

Sveitarstjórn Flóahrepps samþykkir að veita SASS umboð til að gera viðaukasamning undir merkjum sóknaráætlunar við Mennta- og barnamálaráðuneytið til tveggja ára vegna fjármögnunar innleiðingar svæðisbundinna farsældarráða.

Samþykkt með 5 atkvæðum.

5. Ákvörðun um laun í vinnuskóla Flóahrepps 2024

Tillaga frá sveitarstjóra um að laun í vinnuskóla Flóahrepps taki breytingum frá fyrra ári skv. launavísitölu.

Sveitarstjórn samþykkir ofangreinda tillögu um uppfærð laun í vinnuskóla Flóahrepps sumarið 2024.

Samþykkt með 5 atkvæðum.

6. Ábyrgð Flóahrepps vegna lántöku Brunavarna Árnassýslu hjá Lánasjóði sveitarfélaga

Ábyrgð Flóahrepps vegna lántöku Brunavarna Árnassýslu hjá Lánasjóði sveitarfélaga að fjárhæð kr. 190.000.000.-

Bókun vegna lántöku Brunavarna Árnassýslu vegna kaupa á dælubíl, vegna byggingar á tækja- og búnaðargeymslu á Laugarvatni og vegna fyrsta áfanga byggingar á Flúðum. Flóahreppur samþykkir hér með að veita einfalda ábyrgð vegna lántöku Brunavarna Árnassýslu hjá Lánasjóði sveitarfélaga að fjárhæð kr. 190.000.000.-, í samræmi við skilmála láns til ársins 2039 eins og þeir verða á þeim tíma er lánið er tekið. Er ábyrgð þessi veitt sbr. heimild í 2. mgr. 69. gr. sveitarstjórnarlaga nr. 138/2011, og er hún óskipt (in solidum) gagnvart kröfuhafa, en innbyrðis skiptist hún í hlutfalli við eignarhluti í Brunavörnum Árnassýslu. Flóahreppur veitir lánasjóðnum veð í tekjum sínum til tryggingar þeirri ábyrgð, sbr. heimild í 2. mgr. 68. gr. sömu laga. Ábyrgðin tekur til allra greiðslna sem og hvers kyns kostnaðar sem hlýst af vanskilum.

Er lánið tekið til að fjármagna kaup á nýjum dælubíl, vegna byggingar á tækja- og búnaðargeymslu á Laugarvatni og vegna fyrsta áfanga byggingar á Flúðum, sbr. 3. gr. laga um stofnun opinbers hlutafélags um Lánasjóð sveitarfélaga nr. 150/2006.

Flóahreppur skuldbindur hér með sveitarfélagið sem eiganda Brunavarna Árnassýslu til að breyta ekki ákvæði samþykka félagsins sem leggur hömlur á eignarhald að félaginu að því leyti að félagið megi ekki fara að neinu leyti til einkaaðila.

Fari svo að Flóahreppur selji eignarhlut í Brunavörnum Árnassýslu til annarra opinberra aðila, skuldbindur Flóahreppur sig til að sjá til þess að jafnframt yfirtaki nýr eigandi á sig ábyrgð á láninu að sínum hluta.

Jafnframt er Huldu Kristjánsdóttur, kt 300184-3249, sveitarstjóra Flóahrepps, veitt fullt og ótakmarkað umboð til þess að staðfesta f.h. Flóahrepps veitingu ofnangreindrar ábyrgðar með áritun á lánsamninginn.

Samþykkt með 5 atkvæðum.

7. Frá Skipulagsgátt: Umsagnarbeiðni – Breyting á Aðalskipulagi Árborgar 2020-2036 – Breyting á legu Selfosslínu 1, nr. 0611/2024: Auglýsing tillögu (breyting á aðalskipulagi)

Fyrir liggur umsagnarbeiðni frá Skipulagsgátt vegna máls nr. 0611/2024 er varðar breytingu á Aðalskipulagi Árborgar 2020-2036: Breyting á legu Selfosslínu 1.

Sveitarstjórn Flóahrepps gerir ekki athugasemdir við tillögu og felur skipulagsfulltrúa að senda inn umsögn inn á Skipulagsgátt þess eðlis.

Samþykkt með 5 atkvæðum.

8. Þakkir frá Sigríði Jónu Kristjánsdóttur, fyrsta heiðursborgara Flóahrepps

Sigríður Jóna Kristjánsdóttir sendir sínar bestu þakkir til sveitarstjórnar Flóahrepps fyrir þann heiður að vera útnefnd fyrsti heiðursborgari Flóahrepps þann 30. maí síðstliðinn og fyrir þær skyldur sem sveitarfélagið skuldbindur sig til þess að framfylgja gagnvart heiðursborgurum. Reglur um val og útnefningu heiðursborgara í Flóahreppi eru aðgengilegar á heimasíðu Flóahrepps.

9. Erindi vegna skólalóðar Flóaskóla og framkvæmda við Flóaskóla

Fyrir liggur erindi frá skólastjóra, húsverði Flóaskóla og umsjónarmanni fasteigna varðandi skólalóðar og framkvæmda við Flóaskóla. Í erindinu er óskað eftir því að malarplan þar sem gamli skólinn var áður verði malbikað þar sem ljóst er að ekki verður byggt við skólann þar í nánustu framtíð. Einnig er óskað eftir því að fá upphitaðan 20 fm gám við Þjorsárver til að mæta skorti á geymslurými fyrir skólann.

Sveitarstjórn Flóahrepps þakkar innsent erindi. Sveitarstjórn tekur undir að skoða malbikun á malarplaningu upp við skólann ásamt frekari malbikunarframkvæmdum á skólalóðinni.

Umsjónarmanni fasteigna falið að fá tilboð í malbikun á planinu og skila til sveitarstjóra.

Sveitarstjórn samþykkir að farið verði í malbikun á plani ef það rúmast innan

fjárfestingaráætlunar Flóaskóla á árinu 2024 sem hluti af framtíðaruppbyggingu við skólann.

Umsjónarmanni fasteigna er jafnframt falið að fá tilboð í kaup eða leigu á upphituðum gámi við Þjorsárver ásamt því að kanna stöðuleyfi fyrir slíkan gám á svæðinu hjá byggingarfulltrúa.

Sveitarstjóra og umsjónarmanni fasteigna falið að útfæra launsir fyrir geymslurými vegna Flóaskóla.

Samþykkt með 5 atkvæðum.

10. Fundargerðir:

a) Sveitarstjórnar Flóahrepps nr. 297, dags. 14.05.2024

b) Fræðslunefndar Flóahrepps nr. 151, dags.

Varðandi lið 5 undir málefnum Krakkaborgar þá hvetur sveitarstjórn stjórnendur til að taka saman lista yfir viðhaldsverkefni á skólalóðinni og senda á sveitarstjóra og umsjónarmann fasteigna. Frekari áform um aðkeypta ráðgjöf eða kaup á leiktækjum á skólalóð er vísað til fjárhagsáætlunargerðar fyrir árið 2025 og eru stjórnendur hvattir til að senda inn mótaðar hugmyndir og kostnaðaráætlun tímanlega.

Samþykkt með 5 atkvæðum.

c) Framkvæmda- og veitunefndar nr. 22, dags. 23.05.2024

d) Umhverfis- og samgöngunefndar dags. 23.05.2024

Varðandi lið 2 í fundargerð þá samþykkir sveitarstjórn að gera breytingar á umhverfisverðlaunum sveitarfélagsins skv. tillögum frá nefndinni. Umhverfis- og samgöngunefnd er falið að leggja drög að uppfærðum reglum fyrir sveitarstjórn til staðfestingar áður en kemur að veitingu verðlaunanna á árinu 2025.

Samþykkt með 5 atkvæðum.

e) Stjórnar Arnardrangs hses. nr. 13, dags. 22.04.2024

f) Stjórnar Samtaka Orkusveitarfélaga nr. 72, dags. 02.05.2024

g) Stjórnar SASS nr. 609, dags. 10.05.2024

h) Stjórnar Sorpstöðvar Suðurlands nr. 326, dags. 14.05.2024

i) Öldungaráðs Uppsveita og Flóa nr. 1, dags. 15.05.2024

11. Efni til kynningar

a) Ungmennaráðstefnan Ungt fólk og Lýðræði 2024

Sveitarstjórn felur íþróttá- æskulýðs- og menningarnefnd að kalla eftir fulltrúum Flóahrepps á ungmennaráðstefnuna Ungt fólk og Lýðræði 2024.

Samþykkt með 5 atkvæðum.

b) Frá Framkvæmdasjóði Ferðamannastaða – Synjun umsóknar um styrk

Þrátt fyrir synjun á styrk er sveitarstjóra falið að skoða vinnu við lagfæringar á gönguleiðinni svo sem nýjum stikum og upplýsingaskiltum.

Samþykkt með 5 atkvæðum.

c) Nýtt húsnæði fyrir meðferðarheimilið Lækjarbakka – Fréttatilkynning frá Mennta- og barnamálaráðuneyti

Fyrir liggur fréttatilkynning af vef Mennta- og barnamálaráðuneytisins þar sem nýtt húsnæði fyrir meðferðarheimilið Lækjarbakka er kynnt og er staðsetningin Hamarskot í Flóahreppi.

Sveitarstjórn Flóahrepps gerir athugasemdir við að Mennta- og barnamálaráðuneytið og Barna- og fjölskyldustofa hafi ekki upplýst sveitarfélagið um áform sín um að opna meðferðarheimili að nýju í Hamarskoti. Sveitarstjórn er ljóst að um mikilvæga starfsemi er

að ræða sem og ágætan húsakost sem er í eigu ríkisins. Engu að síður er mikilvægt að mati sveitarstjórnar að sveitarfélagið og íbúar sem búa í nágrenni meðferðarheimilis séu upplýstir um málið. Að mati sveitarstjórnar er eðli starfseminnar á meðferðarheimilinu Lækjarbakka ólík þeirri starfsemi sem var áður rekin í Hamarskotí. Sveitarstjórn leggur áherslu á að starfsleyfi er ekki hægt að færa frá Lækjarbakka í Hamarskot án eðlilegs ferils varðandi umsókn um starfsleyfi. Sveitarfélagið fer fram á að Barna- og fjölskyldustofa bjóði upp á samtal/kynningu fyrir sveitarstjórn og íbúa vegna málsins og er sveitarstjóra falið að útfæra það með framkvæmdastjóra Barna- og fjölskyldustofu.

Samþykkt með 5 atkvæðum.

- d) Frá Miðstöð menntunar og skólaþjónustu – Boð um þátttöku skólaþjónustu í verkefninu Snemmtæk íhlutun með áherslu á málþroska og læsi
 - e) Heilsuefning 60+
 - f) Frá Félags- og vinnumarkaðsráðuneytinu – Boð um þátttöku í samráði: Hvítbók í málefnum innflytjenda
 - g) Frá nefnda- og greiningarsviði Alþingis – Til umsagnar tillaga til þingsályktunar um ferðamálastefnu og aðgerðaráætlun til ársins 2030, 1036. mál
 - h) Frá nefnda- og greiningarsviði Alþingis – Til umsagnar frumvarp til laga um lögræðislög (nauðungarvistanir, yfirlögráðendur o.fl.), 925. mál
 - i) Næsti fundur sveitarstjórnar verður þriðjudaginn 2. júlí kl. 16:00 í Þingborg.
- 12. Trúnaðarmál**
Fært í trúnaðarmálabók.

Árni Eiríksson (sign)

Walter Fannar Kristjánsson (sign)

Anný Ingimarsdóttir (sign)

Hulda Kristjánsdóttir (sign)

Harpa Magnúsdóttir (sign)

Árni Eiríksson
Harpa Magnúsdóttir
Anný Ingimarsdóttir
Walter Fannar Kristjánsson
Hulda Kristjánsdóttir